



Pou Piblikasyon Imedya: 29/12/2022

GOUVÈNÈ KATHY HOCHUL

GOUVÈNÈ HOCHUL ANONSE PREMYE VANT AN DETAY KANABIS POU ADILT ITILIZE KI FÈT NAN ETA NEW YORK

Housing Works Cannabis Co, yon òganizasyon san bi likratif ki sipòte Nouyòkè ki se ansyen prizonye, fè premye vant kanabis jodi a nan Manhattan bay Direktè Egzekitif NYS OCM Chris Alexander

Chèn apwovizyonman kanabis la ki te kòmanse atravè Inisyativ Opòtinite pou Plante a fini kounye a

Nouyòkè yo ka achte kounye a kanabis legal ak pi sekirité

Gouvènè Kathy Hochul te anonse jodi a premye vant kanabis legal ak reglemante pou adilt itilize nan istwa Eta New York. Premye vant lan te fèt nan Housing Works Cannabis Co, yon dispansè Housing Works posede, pi gwo òganizasyon sèvis VIH/SIDA nan peyi a ke yon minorite kontwole ak pi gwo òganizasyon sèvis VIH/SIDA nan kominate a. Premye acha jodi a te fèt pa Chris Alexander, Direktè Egzekitif Biwo Jesyon Kanabis (Office of Cannabis Management, OCM) nan New York, yon ansyen defansè ki te pase plizyè ane ap goumen pou elabore pwojè lwa ki legalize kanabis nan Empire State. Housing Works, ki baze nan Vil New York, opere yon seri sèvis dirèk ak sipò pou moun k ap viv ak VIH/SIDA, moun ki sanzabri, ki te ansyen prizonye, ak moun ki enplike lajistis. L ap jere tou yon rezo vitrin vant an detay charitab.

"Premye vant legal kanabis pou adilt itilize make yon etap enpòtan istorik nan endistri kanabis New York la", **Gouvènè Hochul te deklare**. "Jodi a se sèlman kòmansman an, epi mwen espere kontinye efò nou yo pou solidifye New York kòm yon modèl nasyonal pou endistri san danje, ekitab ak enklizif n ap konstwi kounye a".

Premye dispansè vant an detay pou adilt yo, Housing Works Cannabis Co, ki sitiye nan 750 Broadway jis nan nò Astor Place nan Manhattan, pral ouvri sèt jou pa semèn, avèk premye vant publik yo k ap kòmanse jodi a nan 4:20 p.m. Apresa, lè regilye yo pral 11 a.m. rive 7 p.m. epi yo pral ajiste nan semèn k ap vini yo. Ta dwe gen plis dispansè nan yon ti tan apre Komisyon Konsèy Kontwòl Kanabis la te bay premye 36 lisans vant an detay pou adilt itilize nan dat 21 novanm 2022.

Antanke premye detantè ki gen lisans Dispansè Rekreyatif Kondisyonèl pou Adilt Itilize (Conditional Adult-Use Recreational Dispensary, CAURD) nan eta a ki ouvri lokal li pou biznis, lavant jodi a sèvi kòm ouvèti ofisyèl mache legal kanabis New York ak kòmansman yon nouvo kalite resèt fiskal ki pral envesti nan kominote atravè eta a pou sipòte lekòl piblik yo, sèvis pou adiksyon, sèvis sante mantal, lojman, ak lòt pwogram ki baze sou kominote a. Li pral sipòte tou devlopman pwogram pou konstwi ekite atravè chèn apwovizyonman pou kanabis.

Prezidan Konsèy Kontwòl Kanabis la, Tremaine Wright te deklare, "Jodi a se vrèman yon jou istorik nan istwa Eta New York. Pandan plizyè ane nou te goumen pou nou asire ke New York non sèlman legalize kanabis, men li te fè sa nan yon fason ki asire mache kanabis sa a alimante ak dirije pa ekite sosyal. Mwen fyè pou m di, avèk Housing Works san bi likratif k ap fè premye vant an detay kanabis jodi a, nou byen sou wout nou pou n atenn objektif sa a epi akonpli angajman nou anvè tout Nouyòkè yo. Mwen pa ka remèsyé Gouvènè Kathy Hochul, rès Konsèy Kontwòl Kanabis la, oswa anplwaye Biwo Jesyon Kanabis la ase pou travay kontinyèl yo pou reyalize objektif sa yo".

Chris Alexander, Direktè Egzekitif Biwo Jesyon Kanabis la, te deklare, "Se yon privilège ak yon onè pou mwen isit la jodi a, jan nou te di ke nou t ap fè nan kòmansman ane sa a, pou n fè istwa avèk premye vant legal an detay kanabis nan Eta New York. Sa a se yon pati enpòtan nan batay pou mete fen nan entèdiksyon kanabis ke nou ka di ke nou finalman pote viktwa. Mèsi Gouvènè Hochul pou sipò inebranlab ou nan pote lavi nan vizyon sou lwa kanabis New York la epi mèsi a tout kiltivatè nou yo ak lisansye CAURD yo paske yo te kwè nan vizyon sa a epi travay avèk ajans nou an pou konstwi sa ki pral mache kanabis ki pi ekitab nan nasyon an".

Senatè Eta Liz Krueger te deklare, "Mwen kontan wè kòmansman vant an detay kanabis pou adilt yo, epi Housing Works te ouvri premye magazen vant an detay la. Plizyè deseni travay yo avèk kominote majinalize yo fè yo tounen yon patnè pafè nan efò pou asire ke mache kanabis New York la ofri opòtinite enpòtan pou moun ki te sibi plis enpak akòz politik kriminalizasyon kanabis ki te echwe nan tan pase yo. Nouyòkè yo kounye a gen aksè a yon mache kanabis dirab ki an sekirite ak anrasinen nan yon angajman pou ekite sosyal".

Lidè Majorite nan Asanble a, Crystal Peoples-Stokes, te deklare, "Mwen kontan anpil pou m wè premye vant legal kanabis nan New York fèt jodi a pa yon òganizasyon san bi likratif ki dedye pou ede amelyore lavi moun depi plizyè dizèn ane. Jodi a, jan sa prevwa nan Lwa sou Kanabis la, nou kòmanse kolekte revni ki pral re-envesti nan kominote toupatou nan eta a ki te devaste akòz aplikasyon inegal lwa sou dwòg ak prizon an mas".

Charles King, Direktè Egzekitif Jeneral Housing Works, te deklare, "Pou nou, dispansè sa a se yon opòtinite pou bay opòtinite travay a moun ki te sibi domaj kriminalizasyon kanabis. Nou onore pou nou kapab ofri fòmasyon kontinyèl pou ede moun avanse nan kanabis kòm yon karyè anplis pou edike kominote nou an sou

kanabis pandan mache a ap kontinye evolye. Nou pa ka tann tou pou nou re-envesti pwofi yo nan plis misyon Housing Works pou founi sèvis ki sove lavi pou plizyè dizèn milye Nouyòkè ki nan bezwen".

Evènman istorik jodi a make yon etap enpòtan nan [Inisyativ Opòtinite pou Plante](#), pou konplete chèn apwovizyonman ki te fèt pou mete New York sou yon chemen pou atenn objektif Lwa sou Kanabis New York nan devlope yon endistri kanabis pou adilt itilize ki travay pou konpanse domaj ki soti nan enpak ki pa pwopòsyonèl entèdiksyon kanabis la te genyen. Gouvènè Hochul te anonse nan mwa mas, inisyativ la te bay 280 kiltivatè familyal lisans pou yo kiltive premye kanabis pou adilt itilize nan Eta New York. Premye dispansè ki gen lisans pou adilt itilize nan New York pral vann pwodui kanabis ki teste ak pi an sekirite sa yo, ke swa operatè biznis ki gen siksè, yon manm fanmi pwòch, ki gen yon kondanasyon pou kanabis (lajistics enplike) posede; oswa òganizasyon san bi likratif ki bay sèvis pou moun ki te blese nan ranfòsman inegal entèdiksyon kanabis.

Pou kalifye, òganizasyon san bi likratif yo, tankou Housing Works, te dwe gen omwen tou yon manm konsèy ki enplike nan lajistics epi dwe kreye opòtinite pwofesyonèl pou moun ki gen yon kondanasyon pou mariwana. Housing Works te sèvi Nouyòkè ki enplike lajistics yo depi kòmansman li an 1990 atravè sèvis dirèk ak inisyativ defans, nan bay sèvis esansyèl pou moun k ap viv ak VIH/SIDA. Jodi a, Inisyativ Jistics Housing Works la, adapte sèvis san bi likratif yo pou satisfè bezwen moun ki te ansyen prizonye, ki gen ladan moun ki gen kondanasyon pou kanabis.

Pwofi ki soti nan lavant nan Housing Works Cannabis Co yo pral re-envesti nan sèvis ki san bi likratif yo. Housing Works, yon òganizasyon san bi likratif ki otonòm, ki te fonde an 1990 pou lite kont kriz VIH/SIDA ak sanzabri, bay opòtinite travay, defans legal ak lojman konplè ak sèvis sante finanse. Avèk yon konsantrasyon sou konpassyon ak eliminasyon estigmatizasyon, Housing Works fè efò pou fè avanse endistri kanabis la nan sipòte bezwen kominate yo atravè yon apwòch ki baze sou ekite ak rediksyon domaj.

Bilding istorik, ki kouvri 4,400 pye kare, kote dispansè a pral sitiye a, nan 1 Astor Place, te fini an 1883. Housing Works Cannabis Co pral akeyi kliyan yo avèk yon eksperyans entwodiksyon sou fè acha pandan ouvèti a, avèk plan ak anpil atansyon pou batì yon espas elaji ak byen òganize amezi pwodwi kanabis yo ap vin pi disponib. Jwenn plis enfòmasyon nan hwcanabis.co.

Jiska prezan, Konsèy Kontwòl Kanabis Eta New York la apwouve 36 Lisans Kondisyonèl pou Dispansè Vant an Detay pou Adilt Itilize, ki gen ladan 28 pou biznis ki kalifye yo ak 8 pou òganizasyon san bi likratif yo. Nan kòmansman mwa sa a, Biwo Jesyon Kanabis la te pibliye direktiv pou sipòte biznis vant an detay yo kòmanse operasyon yo avèk sèvis livrezon pou ede lanse lavant yo.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418